

Ո Ր Ո Շ ՈՒ Մ
Կատարողական վարույթը կասեցնելու մասին

20.08.2021թ.

ք.Աշտարակ

Հարկադիր կատարումն ապահովող ծառայության Արագածոտնի և Արմավիրի մարզային բաժնի ավագ հարկադիր կատարող՝ Ռ.Նամայանս ուսումնասիրելով թիվ 05016295 կատարողական վարույթի նյութերը՝

Պ Ա Ր Զ Ե Ց Ի

ՀՀ Արագածոտնի մարզի առաջին ատյանի ընդհանուր իրավասության դատարանի կողմից 15.03.2019թ. տրված թիվ ԱՐԱԴԻ/0047/01/16 կատարողական թերթի համաձայն պետք է Ռոբերտ Խաչիկի Նազարեթյանից հոգուտ պետական բյուջեի բռնագանձել 8.697.362 ՀՀ դրամ՝ որպես հանցագործության կատարման հետևանքով պետությանը պատճառված գույքային վնաս:

Պարտապանից պետք է բռնագանձել նաև բռնագանձման ենթակա գումարի 5 տոկոսը՝ որպես կատարողական գործողությունների կատարման ծախս:

ՀՀ Արագածոտնի մարզի առաջին ատյանի ընդհանուր իրավասության դատարանի կողմից 16.03.2020թ. տրված թիվ ԱՐԱԴԻ/1575/02/19 կատարողական թերթի համաձայն պետք է Համատեղ սեփականության իրավունքով Ռոբերտ Խաչիկի Նազարեթյանին՝ պատկանող ՀՀ Արագածոտնի մարզի Վարդաբլուր համայնքում գտնվող 25800քմ հողամասից /կադաստրային համար 02-100-0112-0005/ և 25790քմ հողամասից /կադաստրային համար 02-100-0123-0006/ առանձնացնել Ռոբերտ Խաչիկի Նազարեթյանի 1/3-րդ բաժինը, «Վարմոն Ռիելթի» ՍՊ ընկերության կողմից 11.10.2019թ. կազմված թիվ «353-01/Վ-019» եզրակացության համաձայն, որի առանձնացման առաջարկվող նպատակահարմար տարբերակը տրամադրվել է եզրակացությանը կից՝ գծանշմամբ տրված հավելվածներում և Ռոբերտ Խաչիկի Նազարեթյանին պատկանող բաժնեմասի վրա բռնագանձում տարածել և այն ուղղել թիվ ԱՐԱԴԻ/0047/01/16 կատարողական թերթով բռնագանձվող պարտավորությունների կատարմանը:

ՀՀ Արագածոտնի մարզի Վարդաբլուր համայնքում գտնվող անշարժ գույքը /կադաստրային համար թիվ 02-100-0008-0009/ հրապարակային սակարկությունների միջոցով վաճառել և ստացած գումարը հետագայում բաշխել ընդհանուր սեփականության մասնակիցների միջև՝ նրանց բաժիններին համաչափ և Ռոբերտ Խաչիկի Նազարեթյանի բաժնի դիմաց ստացված գումարի վրա բռնագանձում տարածել և այն ուղղել թիվ ԱՐԱԴԻ/0047/01/16 կատարողական թերթով բռնագանձվող պարտավորության կատարմանը:

Պատասխանող Ռոբերտ Խաչիկի Նազարեթյանից հոգուտ ՀՀ պետական բյուջեի բռնագանձել 8000 /ուգ հազար/ ՀՀ դրամ գումար, որպես պետական տուրքի գումար:

Պատասխանող Ռոբերտ Խաչիկի Նազարեթյանից հոգուտ «Վարմոն Ռիելթի» ՍՊ ընկերության բռնագանձել 68000 /վաթսուութ հազար/ ՀՀ դրամ գումար, որպես փորձաքննության կատարման ծախսի գումար:

«Վարմոն Ռիելթի» ՍՊ ընկերության կողմից 11.10.2019թ. թիվ «353-01/Վ-019» եզրակացությունը ճանաչել սույն վճռի անբաժանելի մաս:

Կատարողական գործողությունների ընթացքում իրականացվել է փորձաքննություն, որի արդյունքում պարզ է դարձել, որ Ռոբերտ Խաչիկի Նազարեթյանին պատկանող գույքերի ներկայիս շուկայական արժեքը օրենքով սահմանված նվազագույն աշխատավարձի հազարապատիկի և ավելի չափով բավարար չէ պահանջատիրոջ հանդեպ պարտավորությունների ամբողջական կատարումն ապահովելու համար, և հետևաբար՝ առկա են սնանկության հատկանիշներ:

Գույքի վրա բռնագանձում տարածելու պարագայում պարզվել է, որ այդ գույքը օրենքով սահմանված նվազագույն աշխատավարձի երկուհազարապատիկի և ավելի չափով բավարար չէ պահանջատիրոջ հանդեպ պարտավորությունների ամբողջական կատարումն ապահովելու համար:

Վերոգրյալի հիման վրա և ղեկավարվելով «Սնանկության Մասին» ՀՀ օրենքի 6-րդ հոդվածի 2-րդ մասով, «Դատական ակտերի հարկադիր կատարման մասին» ՀՀ օրենքի 28-րդ, 28. 1 հոդվածով և 37-րդ հոդվածի 8-րդ կետով.

Ո Ր Ո Շ Ե Ց Ի

Կասեցնել թիվ 05016295 կատարողական վարույթը 90-օրյա ժամկետով:

Առաջարկել պահանջատիրոջն և պարտապանին՝ նրանցից որևէ մեկի նախաձեռնությամբ 60-օրյա ժամկետում սնանկության հայց ներկայացնել դատարան:

Սույն որոշումն երկու աշխատանքային օրվա ընթացքում հրապարակել www.azdarar.am ինտերնետային կայքում:

Որոշման պատճենը ուղարկել կողմերին:

Հարկադիր կատարողի կայացրած որոշումը կարող է բողոքարկվել վերադատության վարչության կողմից, ուստի մեջ մտնելու օրվանից հետո՝ երկամսյա ժամկետում, կամ վարչական դատարան՝ օրենքով սահմանված ժամկետներում:

**ԱՎԱԳ ՀԱՐԿԱԴԻՐ ԿԱՏԱՐՈՂ
ԱՐԴԱՐԱԴԱՏՈՒԹՅԱՆ ՄԱՅՈՐ**

